

**O'ZBEKISTON RESPUBLIKASI
BUXORO VILOYAT
QORAKO'L TUMANLARARO
IQTISODIY SUDI**

*Қорақўл тумани Бухоро қўчаси
152-уй
тел.: 5657128; e-mail:
i.qorakul@sud.uz*



**КАРАКУЛЬСКИЙ МЕЖРАЙОННЫЙ
ЭКОНОМИЧЕСКИЙ СУД
БУХАРСКОЙ ОБЛАСТИ
РЕСПУБЛИКИ УЗБЕКИСТАН**

*г. Каракуль, ул. Бухара, дом 152
тел.: 5657128; e-mail:
i.qorakul@sud.uz*

**ЎЗБЕКИСТОН RESPUBLIKASI NOMIDAN
ҲАЛ ҚИЛУВ ҚАРОРИ**

07.09.2022 йил

Қорақўл тумани

4-2004-2201/839-сонли иш

Қорақўл туманлараро иқтисодий судининг судьяси Н.Зоиров даъвогар Ўзбекистон Республикаси Савдо-саноат палатаси Бухоро вилоят бошқармасининг "AAAAA" акциядорлик жамияти манфаатида жавобгар ББББ фермер хўжалигидан жами 4268826.23 сўм ундириш тўғрисидаги даъво аризаси бўйича қўзғатилган ишни соддалаштирилган иш юритиш тартибида кўриб чиқиб, қуйидагиларни

АНИҚЛАДИ:

Даъво аризасида қайд этилишича, даъвогар- "AAAAA" акциядорлик жамияти ва жавобгар- ББББ фермер хўжалиги ўртасида 2021 йил 10 майда 18-сонли давлат эҳтиёжи бошоқли дон харид қилиш бўйича контрактация шартномаси тузилган.

Даъвогар шартнома шартларини ўз вақтида бажариб, жавобгарга жами 12497652.63 сўмлик уруғлик дон махсулотини етказиб берган. Жавобгар эса, шартнома бўйича ўз олдида қўйилган мажбуриятларни лозим даражада бажармаганлиги оқибатида даъвогар олдида 4268826.23 сўм қарздорлиги вужудга келган ва даъвогар қарздорликни ундириб беришни сўраб, судга даъво аризаси билан мурожаат қилган.

Иш ҳужжатларида даъвогарнинг даъво аризаси ва унга илова қилинган ҳужжатлари 2022 йил 06 августда жавобгарга юборилганлигини тасдиқловчи почта квитанцияси ва реестри илова қилинган.

Ўзбекистон Республикаси Иқтисодий процессуал кодекси (бундан кейин матнда - ИПК)нинг 203²-моддаси биринчи қисмига асосан даъвонинг баҳоси юридик шахсга нисбатан —энг кам ойлик иш ҳақининг йигирма бараваридан ошмаганлиги сабабли мазкур иш соддалаштирилган иш юритиш тартибида кўриб чиқилмоқда.

ИПКнинг 203⁴-моддаси иккинчи қисмига кўра, жавобгар даъво аризаси юзасидан ёзма фикрини даъво аризасининг кўчирма нусхаси ўзига топширилган пайтдан эътиборан ўн беш кунлик муддатда судга ўзи асосланаётган ҳужжатлар ва далилларни илова қилган ҳолда тақдим этишга ҳақли. Ёзма фикрга унинг кўчирма нусхаси даъвогарга юборилганлигини тасдиқловчи ҳужжат илова қилинади.

Бироқ, даъво ариза жавобгар томонидан қабул қилиб олинган бўлсада, даъво ариза бўйича ёзма фикр иқтисодий иш соддалаштирилган тартибда кўриб чиқилгунга қадар судга тақдим этилмаган.

ИПКнинг 203⁴-моддаси тўртинчи қисмига кўра, даъво аризасининг судга юборилиши ҳақида тегишли тарзда хабардор қилинган жавобгар томонидан даъво аризаси юзасидан ёзма фикр тақдим этилмаганлиги даъво аризасини соддалаштирилган иш юритиш тартибида кўриб чиқишга тўсқинлик қилмайди.

Ўзбекистон Республикаси Иқтисодий процессуал кодекси 118-моддаси бешинчи қисмига кўра, даъвогарнинг талаблари у судга мурожаат қилганидан сўнг жавобгар томонидан ихтиёрий равишда қаноатлантирилса, суд харажатлари жавобгарнинг зиммасига юклатилади.

Даъвогар томонидан 2022 йил 07 сентябр санасида тақдим қилинган маълумотга кўра, жавобгар "ББББ" фермер хўжалиги томонидан 4268826.23 сўм қарздорлик тўлаб берилган.

Баён этилганлардан келиб чиқиб, суд даъвони қаноатлантиришни рад этишни, давлат божи ва почта харажати жавобгар зиммасига юклашни лозим топади.

Демак, даъвогарнинг асосий қарздорликни ундириш тўғрисидаги талаби асоссиз ва уни қаноатлантиришни рад этиш лозим.

Юқоридагилардан келиб чиқиб, Ўзбекистон Республикаси Иқтисодий процессуал кодексининг 118, 176-179, 180-моддаларини қўллаб, суд

Қ А Р О Р Қ И Л А Д И :

1. Даъво талабини қаноатлантириш рад этилсин.
 2. Жавобгар – "ББББ" фермер хўжалигидан даъвогар ""ААААА" акциядорлик жамияти фойдасига олдиндан тўлангна 24000 сўм почта харажати ундирилсин.
 3. Жавобгар– ББББ фермер хўжалигидан Ўзбекистон Республикаси давлат бюджетига 300000 сўм давлат божи ундирилсин.
 4. Ҳал қилув қарори қонуний кучга киргач, ижро варақалари берилсин.
- Ҳал қилув қарори қонуний кучга киргач, ижро варақалари берилсин.
Ҳал қилув қарори устидан 10 кунлик муддатда апелляция тартибида шикоят бериш мумкин.

Судья

Н.Зоиров